

OYSTER PERPETUAL
DATEJUST LADY 31

ROLEX



MICHELSEN
ÚRSMIDIR

Laugavegur 15 - 101 Reykjavík
511 1900 - www.michelsen.is

MARKAÐURINN

Miðvikudagur 12. ágúst 2015 | 31. tölublað | 11. árgangur

Sími: 512 5000 | [visir](http://www.visir.is) www.visir.is

GÖNGUM
HREINT
TIL VERKS!



Guðjón Ó


FYRIRTÆKIN STYÐJI BETUR VIÐ GÓÐGERÐARFÉLÖG

- Tekjur Rauða krossins á annan milljarð króna í fyrri
 - Sala og útflutningur á fötum skiptir sífellt meira máli
 - Vill að fyrirtæki nýti skattaafslætti betur og styðji góðgerðarstarfsemi
- SÍÐA 4



Skuldabréf keypt fyrir milljarða

Erlendir aðilar hafa aukið eignarhlut sinn í ríkis-skuldabréfum um 8,2 milljarða króna í júní og júlí. Hrafn Steinarsson, hagfræðingur og sérfræðingur hjá greiningardeild Arion banka, segir fjárfesta vera að nýta sér hærri vexti sem bjóðist hér á landi miðað við í nágrannalöndum. Fjárfestarnir hafi fjármagnað kaupin með því að koma með nýtt fé til landsins á álandsgengi. Þannig komist fjárfestarnir út með féð á ný óhád því hvort liðkað verði frekar fyrir gjaldeyris-höftum eða ekki. → SÍÐA 2



Frá Spáni í Seðlabankann

Önundur Páll Ragnarsson var á dögnum ráðinn á fjármálastöðugleikasvið Seðlabanka Íslands og hefur störf um miðjan ágúst. Hann mun ganga til liðs við teymi hjá bankanum sem vinnur að mótun þjóðhagsvarúðarstefnu. „Þetta snýst í aðalatriðum um það að innleiða og framfylgja mælikvörðum, eða vísum, sem segja til um það hvort kerfislæg áhætta sé að myndast í bankakerfinu og hvort kerfið geti staðið af sér högg eða skelli sem hagkerfið í heild kann að verða fyrir,“ segir Önundur. → SÍÐA 6

Samvinnu í markaðssetningu

„Það þarf heppni til þess að ná að byggja upp tengsl erlendis,“ segir Guðmundur R. Einarsson hjá Bókun. Hann mun halda framsögu fyrir hönd fyrirtækis síns á ráðstefnunni Startup Færeyjar sem fram fer um helgina. Bókun er fyrirtæki sem framleiðir hugbúnað sem gerir aðilum í ferðaþjónustu kleift að tengjast og vinna saman á einfaldan hátt. Til dæmis geta þeir selt vörur hver annars, haldið utan um útistandandi kröfur sín á milli, sameinað eigin vörur við vörur annarra og selt sem þriðju vöruna, allt í rauntíma. → SÍÐA 9



SONOS

FÁÐU ÞRÁÐLAUSAN
AÐGANG AÐ
TÓNLISTINNI Í ÖLLUM
HERBERGJUM

Hvað er SONOS?

Sonos er kerfi þráðlausra hátalara og hljómtækja. Það sameinar stafræna tónlistarsafnið þitt og útvarpsstöðvar í einu appi sem þú getur stjórnað frá hvaða síma eða spjaldtölvu sem er. Spilaðu það sem þú vilt hvar sem er á heimilinu í gegnum Sonos kerfið sem er mjög einfalt í uppsetningu.



Sjónvarpsmiðstöðin

RAFTÆKJAVERSLUN • SÍÐUMÚLA 2 • SÍMI 568 9090 • WWW.SM.IS



Siðferðileg skylda?

Skjóðan

UTANRÍKISMÁLANEFND Alþingis er einróma í afstöðu sinni um að Ísland skuli taka þátt í þvingunaraðgerðum Bandaríkjanna og ESB gagnvart Rússlandi vegna framgöngu Rússa gegn Úkraínunömmum og innlimunar Krímskaga í Rússland á síðasta ári þrátt fyrir að líkur séu verulegar á að Rússar setji Ísland á lista ríkja sem beitt verða viðskiptabanni vegna þessa. Þessi afstaða er réttlætt með því að vísa til siðferðilegrar skyldu okkar Íslendinga til að standa með nágrannaþjóðum okkar gegn svívirðilegum yfirgangi Rússa við nágrannaþjóð.

ALLIR hagsmunaaðilar í íslenskum sjávarútvegi hafa mótmælt þátttöku okkar í þvingunaraðgerðum stórveldanna gegn Rússum. Hagsmunir stórutgerðarinnar, fiskvinnslunnar, smábátasjó-

manna og annarra í greininni eru sameiginlegir í þessum efnum.

SETJI Rússar viðskiptabann á Ísland geta útlutningstekjur okkar lækkað um þrjátíu milljarða eða meira í einu vetfangi. Slíkt tekjutap skaðar ekki einungis fyrirtæki í sjávarútvegi heldur hagkerfið allt. Vangaveltur utanríkisráðherra um að utanríkisþjónustan geti aðstoðað sjávarútvegsfyrirtæki við að finna nýja markaði í stað Rússlandsmarkaðar eru hjáróma. Utanríkisráðuneytið er ekki í stakk búíð til að veita slíka aðstoð og þess utan tekur langan tíma að vinna nýja markaði þó að auðvelt sé að glata mörkuðum á einni nóttu.

TUGMILLJARÐA SAMDRÁTTUR á útlutningstekjum veldur lækkun krónunnar, sem aftur leiðir til aukinnar verðbólgu, sem kemur illa við heimili og fyrir-

tæki. Verðtryggðar skuldir heimilanna hækka.

SPYRJA má hvort íslensk stjórnvöld beri meiri siðferðilega skyldu gagnvart Bandaríkjunum og forystuþjóðum ESB en gagnvart íslenskum fyrirtækjum og heimilum? Voru það ekki einmitt Bandaríkin, Bretland, Holland og fleiri ríki, sem nú eru í broddi fylkingar þeirra sem beita Rússa þvingunaraðgerðum, sem gengu hvað harðast fram í að knýja íslenska ríkið til að hengja Icesave-skuldir Landsbankans á herðar íslensks almennings?

ÞEGAR bandamenn okkar í NATO í Evrópu með Breta í broddi fylkingar settu löndunarbann á íslenskan fisk á tímum þorskastríða, örfáum árum eftir að íslenskir sjómenn höfðu hætt lífi og limum til að sjá Bretum fyrir

mat í síðari heimsstyrjöldinni, opnuðu Rússar markaði sína fyrir íslenskan fisk. Bretar hafa ítrekað sýnt okkur Íslendingum yfirgang og fjandskap, svo sem með beitingu hryðjuverkalaga í október 2008.

ÍSLENSK stjórnvöld og utanríkismálanefnd Alþingis þurfa líka að hugsa það til enda ef ætlunin er að láta milliríkja- viðskipti okkar ráðast af siðferðilegri afstöðu okkar til meðferðar stjórnvalda í viðskiptalöndum okkar á eigin þegnum eða annarra ríkja.

ÆTTUM við þá ekki að setja viðskiptabann á Kína, Króatíu, Serbíu, Bandaríkin og fleiri lönd? Lýstum við stuðningi við stjórnarstefnu Sovétríkjanna er við áttum farsæl viðskipti við þau í áratugi?

SKJÓÐAN er frekju- og leiðindaskjóða, sem lætur ekkert mannlegt sér óviðkomandi.

Gengi félaga í Kauphöll Íslands

10
Á UPPLÉIÐ
Félög sem hækkuðu í verði

5
Á NIÐURLEIÐ
Félög sem lækkuðu í verði

1
STÓÐU Í STAÐ
Félög sem stóðu í stað

MESTA HÆKKUN

NÝHERJI

128,8% frá áramótum

BANKNORDIK

11,7% í síðustu viku

MESTA LÆKKUN

TM

-19,8% frá áramótum


SJÓVÁ

-0,8% í síðustu viku

Félag	Gengi í gær	Frá áramótum	Vikubreyting
Bank Nordic (DKK)	124,00	19,2%	11,7%
Eik fasteignafélag*	6,90	1,5%	-0,6%
Eimskipafélag Íslands	233,00	-1,7%	2,2%
Fjarskipti (Vodafone)	40,10	14,6%	0,1%
Hagar	37,10	-8,3%	1,4%
HB Grandi	39,70	17,5%	-0,5%
Icelandair Group	26,25	22,7%	0,0%
Marel	196,00	-1,0%	5,4%
NI	41,95	80,8%	0,6%
Nýherji	11,85	128,8%	-0,5%
Reginn	15,75	16,2%	0,1%
Reitir*	69,60	9,0%	0,9%
Sjóvá	11,76	-1,6%	-0,8%
Tryggingamiðstöðin	21,10	-19,8%	-0,2%
Vátryggingafélag Íslands	8,59	-5,1%	0,9%
Össur	504,00	39,6%	0,8%
Úrvalsvísitalan OMX18	1.536,30	17,2%	-0,1%
First North Iceland			
Century Aluminum	3.300,00	0,0%	0,0%
Hampiðjan	28,70	19,5%	0,0%
Sláturfélag Suðurlands	1,40	-24,3%	0,0%

*Skráð á árinu (þróun frá útbodsgengi).

GJALDEYRISINNFLÆÐI Í MILLJÖRÐUM KRÓNA



AUKIÐ GJALDEYRISINNFLÆÐI Gjalddeyrissinnflæði jókst talsvert í júlí. Hrafn segir það helst skýrast af auknum tekjum af erlendum ferðamönnum og vaxtamunarviðskiptum. Myndin sýnir tíu daga hlaupandi meðaltal.

FRÉTTABLAÐIÐ

Dagatal viðskiptalífsins

FIMMTUDAGUR 13. ÁGÚST
Þjóðskrá – Ávöxtun af leigu á íbúðamarkaði
Lánamál ríkisins – Útboð ríkisvixla

FÖSTUDAGUR 14. ÁGÚST
Hagstofan – Fiskafli í júlí 2015
Þjóðskrá – Fjöldi útgefna vegabréfa

MÁNUDAGUR 17. ÁGÚST
Hagstofan – Samræmd vísitala neysluverðs í júlí

ÞRIÐJUDAGUR 18. ÁGÚST
Hagstofan – Vísitala íbúðaverðs á höfuðborgarsvæðinu

Allar markaðsupplýsingar eru aðgengilegar á

Mótaplötur og bitar

Austurrísk gæði!

PFEIFER PF20

PFEIFER

Leitið tilboða!

MÚRBÚÐIN

Kletthálsi 7, Reykjavík
Fuglavík 18, Reykjanesbæ

Sími 412 2500 - sala@murbudin.is - www.murbudin.is

Nýta sér vaxtamun í milljarða viðskiptum

Eignarhlutur erlendra aðila í ríkisskuldabréfum hefur aukist um átta milljarða í sumar. Hagfræðingur segir fjárfesta nýta sér háa vexti á Íslandi. Seðlabankinn hafi þegar brugðist við á gjaldeyrismarkaði.

Erlendir aðilar hafa aukið eignarhlut sinn í ríkisskuldabréfum um 8,2 milljarða króna í júní og júlí.

Hrafn Steinarsson, hagfræðingur og sérfræðingur hjá greiningardeild Arion banka, segir fjárfesta vera að nýta sér hærri vexti sem bjóðist hér á landi miðað við í nágrannalöndum.

Fjárfestarnir hafi fjármagnað kaupin með því að koma með nýtt fé til landsins á álandsgengi. Þannig komist fjárfestarnir út með féð á ný óháð því hvort liðkað verði frekar fyrir gjalddeyrishöftum eða ekki.

Hrafn bendir á að efnahagsumhverfið á Íslandi sé fremur hagfellt sem skýri áhuga erlendra fjárfesta. „Ef þú horfir á hagvöxt, atvinnuleysi, viðskiptaafgang og ríkisfjármál – það er sama hvert þú lítur – þetta eru allt frekar jákvæðar tölur samanborið við önnur lönd,“ segir hann.

Þá hafi Seðlabankinn brugðist við auknu flæði gjaldeyris inn í landið vegna vaxtamunarviðskipta og auknum tekjum af ferðamönnum með miklum gjalddeyrissinngrípum í júlí.

„Seðlabankinn er að leggja gegn of hraðri og of mikilli styrkingu krónunnar,“ segir Hrafn.

Hrafn telur aukin viðskipti erlendra aðila ekki vera áhyggjuefni eins og er enda séu þau langt frá því að vera í sama mæli og fyrir bankahrun.

Miklu fremur séu það góðar fréttir að erlendir aðilar hafi áhuga á Íslandi. „Ég myndi telja það frekar jákvætt að það sé áhugi fjárfesta á Íslandi. Það er gott hvað varðar afléttingu hafta ef erlend fjárfesting eykst,“ segir Hrafn.

„En ef þessi viðskipti fara að verða allsráðandi á markaðnum þá er það óheppilegt. Íslenski skuldabréfamarkaðurinn er ekki það stór eða djúpur. En það er ekkert sem bendir til þess eins og er,“ segir Hrafn.

Þórarinn G. Pétursson, aðal- hagfræðingur Seðlabankans, vildi ekki tjá sig um málið þegar eftir því var leitað þar sem Seðlabankinn hygðist kynna vaxtaákvörðun í næstu viku.

ingvar@frettabladid.is

Ég myndi telja það frekar jákvætt að það sé áhugi fjárfesta á Íslandi. Það er gott hvað varðar afléttingu hafta erlend fjárfesting eykst.

Hrafn Steinarsson, sérfræðingur hjá greiningardeild Arion banka.



8,2 milljarðar er upphæðin sem erlendir fjárfestar hafa aukið eignarhlut sinn um í ríkisskuldabréfum í júní og júlí.



Þjónusta við fyrirtæki

Við bjóðum fyrirtækjum sérþekkingu

Okkar vinna snýst um að þín vinna gangi vel. Við leggjum okkur fram um að setja okkur vel inn í það sem þú ert að gera, og þó að við þekkjum kannski ekki viðfangsefnin í þínu starfi jafn vel og þú, þá vitum við hvað starfið gengur út á.

Starfsfólk Íslandsbanka býr yfir áratuga reynslu af ráðgjöf við stór og smá fyrirtæki í verslun og þjónustu og hefur viðtæka sérþekkingu á fjárhagsumhverfi þeirra. Þannig getum við ávallt tryggt þeim þá bankaþjónustu sem þau þarfnast.

Þekking sprettur af áhuga.

Lilja Pálsdóttir hefur 25 ára reynslu af ráðgjöf til fyrirtækja í verslun og þjónustu.

Lilja er útibússtjóri hjá Íslandsbanka.

Vill að íslenskt atvinnulíf leggi meir

Tekjur Rauða kross Íslands námu á annan milljarð króna í fyrra. Framkvæmdastjóri hreyfingarinnar segir að rekstur fjáröflunina, en tekjur af fatasöfnun skipti meira máli. Áhugi Íslendinga á notuðum fötum sé að aukast. Hann segir n

Íslensk fyrirtæki mættu gera miklu meira af því að styðja við bakið á góðgerðarfélagum, segir Hermann Ottósson, framkvæmdastjóri Rauða krossins á Íslandi. „Íslensk fyrirtæki hafa möguleika á skattafrádrætti í kringum gjafir til góðgerðarmála. Og mér finnst að þau eigi að sinna því miklu, miklu meira en þau hafa verið að gera,“ segir Hermann.

Rauði krossinn er stærsta mannúðar- og góðgerðarhreyfing í heiminum og Rauði kross Íslands á meðal stærstu slíkra hreyfinga hér á Íslandi. Hermann segir að starfsemi hreyfingarinnar hér heima megi skipta í þrjá hluta.

„Rauði krossinn hefur ákveðið hlutverk samkvæmt lögum í neyðarvörnum Íslands. Hlutverkið felst m.a. í að opna fjöldahjálparstöðvar og veita fólki skjól, fæði og klæði ef það kemur til náttúruhamfara og við stöndum okkar plikt varðandi áfallahjálpar. Við erum samræmingaraðili áfallahjálpar á landsvísu. Og það skiptir mjög miklu máli ef það verða mannskæð slys, bæði stór og smá, að þá koma þau inn á borð hjá okkur. Það líður varla vika án þess að áfallateymin okkar séu kölluð út í stærri eða minni viðvik. Alger umskipti hafa orðið í uppbyggingu neyðarvarna hjá félaginu síðustu tvö ár með tilkomu neyðarmiðstöðvar hjá félaginu. Neyðarvarnir okkar ná um allt land. Deildirnar okkar 43 eru hlekkirnir í þeirri keðju,“ segir Hermann.

Í öðru lagi er það hjálpar- og mannúðarstarf. Hermann segir að hjálpar- og mannúðarstarfið skiptist líka í tvennt. Í fyrsta lagi langtíma- verkefni sem unnin eru með landsfélögum Rauða krossins víða um heim. Í öðru lagi neyðarstarfsemi sem unnin er þegar verða hamfarir – stríð eða náttúruhamfarir. „Dæmi um þetta eru þeir miklu fjármunir sem við erum búin að setja inn í ebólufaraldurinn í Afríku. Stærsta framlag Rauða krossins líklega frá frá upphafi var sett inn í baráttuna gegn ebólu í Vestur-Afríku. Næstum 160 milljónir sem við sendum á síðasta ári. Síðan er sú mikla áhersla sem við höfum verið að leggja á Nepal og viðbrögð við jarðskjálftanum þar. Við erum búin að senda ný hjálparstarfsmenn til Nepals og mikla fjármuni í samstarfi við ýmsa aðila,“ segir Hermann.

Hermann segir þriðja stóra partinn vera mikið innanlandsstarf sem deildirnar vinna. Rauði krossinn sinni lögbundinni fræðslu í skyndihjálpar sem sé elsta og þekktasta verkefni félagsins. Vaxandi hluti deildarstarfs er síðan fatasöfnun Rauða krossins og verkefnið Föt sem framlag. „Við sendum mikið út til Hvíta-Rússlands og til Afríku,“ segir Hermann. Þá rekur Rauði krossinn heimsóknarvinaþjónustu, þar sem sjálfbóðaliðar á vegum Rauða krossins heimsækja þá sem minna mega sín. Rauði krossinn rekur einnig fataverslanir, hjálparsmann 1717 og fleira. „Síðan erum við með fjáröflunardeild og samskiptasvið sem sér um að styðja við Rauðakrossstarfið um allt land, eða hjálpar til við það og heldur utan um allt þetta mikla sjálfbóðaliðastarf,“ segir Hermann.

Íslenska þjóðin er smá og því er spurning hvort framlag Íslendinga til alþjóðasamstarfs skipti máli í stóra samhenginu. Hermann segir svo vera, en Íslendingar geti vissulega ekki verið í öllu. „Við þurfum hins vegar að vera með þröngan fókus á því sem við getum og gerum vel. Í fyrsta lagi er hjúkrunar-fólkið okkar og lækarnir alþjóðlega viðurkennt sem afar hæft fólk í gegnum mjög langa sögu hjálpar-



VIÐTÆK STARFSEMI
Hermann Ottósson segir að sala á fötum sé að verða einn mikilvægasti tekjustofn Rauða krossins.

starfs Rauða krossins. Í öðru lagi erum við að sérhæfa okkur í áfallahjálpar og neyðarvörnum. Þar getum við gert ýmislegt vegna þess að við búum í harðbýlu landi. Við erum að fást við jarðskjálfta, við erum að fást við eldgos, ofviðri, flóð. Við erum í raun að fást við allar þessar náttúruhamfarir nema þurrka og afleiðingarnar af slíku. Það gefur okkur svo breiða þekkingu á þessu sviði að við getum mjög fljótt breitt það út að við kunnum og getum á þessu sviði. Og við erum þegar að ná fötfestu þar,“ segir hann. Galdurinn sé því að vera einbeittur á vissa þekkingu og nýta hana.

Aukinn áhuginn á notuðum fötum

Hermann segir að áhugi almennings á notuðum fötum sé að aukast. „Það er ákveðið trend. Fólk vill setja saman gömul föt og ný föt. Unga fólk og jafnvel eldra er mjög frjálst með þessu hluti. Síðan er það þannig að við erum að fá inn í verslanirnar ofboðslega mikið af flottum fötum. Sem auðvitað eiga mikið eftir,“ segir Hermann og tekur fram að bæði karlar og konur hafi getað fundið spariföt, jafnvel flotta kjóla og smóking, í verslanum Rauða krossins. „Þessi fatasöfnun og rekstur fataverslana og útflutningur á fötum skiptir Rauða krossinn miklu máli í sambandi við afkomu okkar, fjársöfnun,“ segir Hermann og bætir því við að mikil-

vægi fatasöfnunar fyrir tekjuöflun aukist sífellt. Hann segir að allur fatnaður sem safnast sé nýttur. Ónýt flöt séu flutt út og stór hluti af þeim endurnýttur í tuskur og annan varning í kringum iðnað. „Það fer ekkert til spillis og við tökum við öllu. Viljum fá allan textíl,“ segir Hermann.

Hverjir eru helstu tekjustofnar hreyfingarinnar?

Hermann segir að sala á fötum og útflutningur sé raunar einn mikilvægasti tekjustofn félagsins. En aðrir tekjustofnar skipti líka miklu máli. „Það er svo auðvitað samband okkar við almennig í tengslum við Mannvini. Það er mikill fjöldi fólks sem styrkir Rauða krossinn reglulega með litlum framlögum. Þetta eru svona 1.500 til 3.000 krónur á mánuði. En þegar saman kemur þá skiptir þetta miklu máli fyrir okkur,“ segir Hermann. Auk þess láti fjöldi einstaklinga og fyrirtækja Rauða krossinn hafa bæði fjármuni og ígildi fjármuna í formi afsláttu og í formi bestu kjara í innkaupum og öðru slíku. „Við erum með samninga um verkefni bæði fyrir ríki og sveitarfélög,“ segir Hermann og nefnir þar sem dæmi hælisleitendabjónustu sem Rauði krossinn veitir fyrir hönd innanríkisráðuneytisins, auk verkefna á sviði hjálpar- og mannúðarstarfa erlendis sem unnin eru í samstarfi við utanríkisráðuneytið. „Og svo eru það auðvitað fjármunir sem við fáum frá fyr-

irtæki sem við eigum með SÁÁ og Landsbjörg sem eru Íslandsspil. En þeir fjármunir hafa minnkað stöðugt og skipta okkur alltaf minna og minna máli,“ segir Hermann.

Hversu margir eru í launuðu starfi hjá Rauða krossinum?

„Það er misjafnt eftir því hvernig stendur á með fjölda sendifulltrúa hverju sinni. En við miðum oft við töluna 76, sem eru í launuðu starfi hjá Rauða krossinum á Íslandi,“ segir Hermann. Þar af séu í kringum 40 hjá landsskrifstofu en aðrir starfi hjá deildunum. Svo eru lausráðnir starfsmenn sem koma inn í sérstök verkefni ef þannig ber undir. Hermann segir að það sé alltaf nokkur fjöldi starfandi erlendis við hjálpar- og mannúðarstörf.

Útskýrðu fyrir mér muninn á starfsemi landsskrifstofu og deildanna.

„Deildirnar eru útverðir Rauða krossins,“ segir Hermann og bendir á að deildir Rauða krossins vinni að verkefnum í sínu nærsamfélagi. Dæmi um þetta sé starfsemi Reykjavíkurdeildar sem reki Konukot í Reykjavík (athvarf fyrir útigangskonur) og Vin í Reykjavík (athvarf fyrir geðfatlaða), sem hvort tveggja er rekið samkvæmt samningi við hið opinbera. Reykjavíkurdeildin sjái um neyðarvarnastarf í Reykjavík. „Ef kemur til einhverra hamfara í Reykjavík eða einhverra þeirra atvika að þarf að grípa til

krafta sjálfbóðaliða Rauða krossins þá er það Reykjavíkurdeildin sem hefur forystu um þær aðgerðir, með aðstoð annarra deilda og landsskrifstofu Rauða krossins,“ segir Hermann. Eftirminnilegt neyðarvarnastarf sem unnið hefur verið á vegum Rauða krossins er til dæmis fjöldahjálparstöðvarnar sem opnaðar voru eftir að gaus á Fimmvörðuhálsi og síðar í Eyjafjallajökli. Undirbúningur að slíkum aðgerðum fór líka í gang fyrir gosið í Bárðarbungu síðastliðið haust. Hermann segir að deildirnar séu margar mjög sterkar og mikilvægt að þær taki allar þátt í neyðarvörnum sem sé sterkasta vígi Rauða krossins um þessar mundir. Hermann segir að hlutverk landsskrifstofunnar sé síðan samræmingarhlutverk um land allt. Umsjón með og framkvæmd á öllu starfi erlendis. Landsskrifstofan sjái líka um samskipti og allt samband við ráðuneyti og sveitar- og bærjafélög, en einnig við alþjóðaráð og alþjóðasamband Rauða krossins.

Sjálfbóðaliðarnir skipta mestu

Hermann segir að kjarninn í starfi Rauða krossins séu sjálfbóðaliðarnir. „Það eru þeir sem bera uppi starfið í deildunum og koma saman og sjá um það að þessi störf séu unnin. Við sáum hins vegar um þjálfun þeirra í neyðarvörnum, kringum heimsóknarþjónustu, 1717 og fleiri

a af mörkum

r Íslandsspila skipti sífellt minna máli fyrir Neyðina á Íslandi að verða sýnilegri.



FRÉTTABLAÐIÐ/GVA

„Það eru þeir sem bera uppi starfið í deildunum og koma saman og sjá um að þessi verk séu unnin.“

verkefni,“ segir Hermann og bætir við að sjálfboðaliðarnir sem starfi með deildunum séu í kringum 3.500. Hann segir að áttatíu sjálfboðaliðar starfi við hjálparvinnu 1717. Síðan eru þrjú fastir starfsmenn sem eru félagsráðgjafar að mennt og vinna í faglegri umsjón og þjálfun með sjálfboðaliðum.

Eitt verkefni Rauða krossins er rekstur sjúkrabíla á landinu. „Þetta eru 78 bílar úti um allt land. Við gerum samning við velferðar-ráðuneytið um innkaup og rekstur þessara sjúkrabíla. Og við leggjum umtalsvert fjármagn inn í það samstarf. Og við sjáum svo algjörlega um rekstur þeirra, útböð og allt sem viðkemur þeim tækjum og tólum sem þarf í sjúkrabíla,“ segir Hermann, en bætir því við að Rauði krossinn sjái ekki um að manna bílana. Það sé misjafnt eftir landshlutum hvernig því er fyrir komið. Á höfuðborgarsvæðinu er það Slökkvilið höfuðborgar-

svæðisins sem sér um að manna bílana. „Rauðakrossdeildirnar víða um landið voru stofnaðar í kringum sjúkrabíla. Af því að þetta er svo gríðarlegt öryggisatriði og aðkoma Rauða krossins í þessu máli er ekki síst til þess að tryggja að byggðirnar úti um landið fái líka góða bíla og að það sé eðlileg endurnýjun á þeirra bílum líka. Ég hef alltaf sagt að þetta sé ódýrasta byggðastefna sem er í framkvæmd á Íslandi. Það er að hafa almennileg sjúkraflutningatæki,“ segir Hermann.

Sé tekið mið af þjónustu ykkar, myndirðu segja að það væri vaxandi neyð á Íslandi?

„Neyðin hrópar hærra og hún er að verða sýnilegri. Við finnum það bara í gegnum heimsóknarþjónustuna okkar og í gegnum Hjálparvinnu okkar,“ segir Hermann. Það sé eitthvað að breytast í samfélagsgerð okkar sem ekki sé hægt að festa hendur á. „Við erum að reyna að ná til fólks sem við vitum að er í ákveðinni hættu. Við erum að reyna að ná til unga fólksins. Í Hjálparvinnu okkar erum við núna að leggja áherslu á að reyna að ná til ungra karlmannna sem eru í sjálfsmorðshugleiðingum og reyna að fá þá til að tala og stíga fyrstu skrefin út úr vítahringnum. Við erum að taka núna upp símaþjónustu fyrir spila-fíkla sem er hluti af þeirri ábyrgð sem við berum gagnvart okkar samfélagi,“ segir Hermann.

Rauði krossinn á aðild að rekstri Íslandsspila sem halda úti spila-kössum. Er þetta eitthvað sem ykkur þykir óþægilegt að reka?

„Í sjálfu sér ekki. Þetta er gamalt fyrirtæki sem við eigum með SÁÁ og Landsbjörg og við erum í hópi mjög margra íþrótt- og góðgerðarfélaganna á Íslandi og menntastofnana sem eru á happdrættismarkaði,“ segir Hermann. Þetta sé einfaldlega partur af fjármögnun Rauða krossins og fjármunirnir sem þarna fáist séu nýttir til góðs. Íslandsspil sé einungis með um 10 prósent af spila-markaðnum. „Á þessum markaði er íþróttahreyfingin, Háskólinn, SÍBS, DAS og ótal aðilar,“ segir Hermann. Lottóið og getraunir eru þarna langstærst.“

Hann segir tekjur frá Íslandsspilum skipta sífellt minna máli í fjármögnun Rauða krossins og stöðug hugmyndavinna sé í gangi til að finna nýjar tekjuöflunarleiðir. Til dæmis hafi verið farið í samstarf við CCP og spilarana í Eve Online, sem hafi gengið vel. „Við fengum frá þeim 190 þúsund dollara til uppbyggingar eftir hamfarirnar á Filippseyjum 2013 og núna 130 þúsund til verkefna í Nepal. Síðan erum við að auka samstarf okkar við fyrirtæki til þess að gefa þeim kost á því að koma að þessu. Auðvitað er það partur af samfélagsábyrgð að taka þátt í góðgerðarstarfsemi,“ segir Hermann. Upphæðirnar sem safnað var samsvara 25 milljónum króna til Filippseyja og 17 milljónum króna til Nepals miðað við gengi dagsins í dag.

Á annan milljarð í tekjur


Hermann segir að Rauði krossinn hafi verið með á annan milljarð í tekjur á síðasta ári. Það sé markmiðið að skila ekki hagnaði. „Nema það sem eðlilegt er og að við séum réttum megin við núllið. Allir okkar peningar eiga að fara til góðgerðarmála og við höfum verið að skera niður markvisst í umsjónarkostnaði og mikil hagræðing hefur átt sér stað síðustu tvö árin,“ segir Hermann. Það sé markmiðið að einungis tólf prósent eða minna af tekjunum fari í umsýslu- og stjórnunarkostnað.

Góð ávöxtun Úrvalsbréfa

Landsbréf – Úrvalsbréf hafa skilað góðri ávöxtun síðastliðin ár. Sjóðurinn er hlutabréfasjóður.

Að baki Úrvalsbréfum er teymi fólks með mikla reynslu, víðtæk tengsl við markaðinn og þekkingu á íslensku viðskiptalífi.

Meðaltal nafnávöxtunar Úrvalsbréfa á ársgrundvelli miðað við 30.06. 2015



Hafa ber í huga að ávöxtun í fortíð er ekki ávísun á framtíðarárangur. Gengi sjóðsins getur bæði hækkað og lækkað og fjárfestar kunna að fá minna til baka en upphaflega var fjárfest fyrir. Ávöxtunartölur eru fengnar hjá Landsbankanum sem er vörsluaðili sjóðsins.

Fjárfesting í hlutabréfasjóðum felur ætíð í sér áhættu. Fjárfesting í hlutdeildarskírteinum fjárfestingarsjóða er þó að jafnaði öruggari en þegar keyptir eru einstakir fjármálagerningar, þar sem hver sjóður dreifir áhættu fjárfesta með kaupum í fleiri en einum flokki fjármálagerninga. Hlutabréf eru í eðli sínu áhættusöm fjárfesting og afkoma þeirra félaga sem sjóðurinn á hlutabréf í hefur bein áhrif á gengi sjóðsins. Nauðsynlegt er að fjárfestar kynni sér vel þá áhættu sem fólgin er í því að fjárfesta í hlutabréfasjóðum með því að kynna sér útboðslýsingu sjóðsins áður en ákvörðun er tekin um fjárfestingu.

Landsbankinn er söluaðili sjóða Landsbréfa. Komdu við í næsta útibúi eða hafðu samband við Verðbréfa- og lífeyrisráðgjöf í síma 410 4040.

Landsbréf – Úrvalsbréf eru fjárfestingarsjóður, starfræktur í samræmi við lög nr. 128/2011 um verðbréfasjóði, fjárfestingarsjóði og fagfjárfestingsjóði og lúta eftirliti Fjármálaeftirlitsins. Rekstrarfélag sjóðsins eru Landsbréf hf. og vörslufélag er Landsbankinn hf. Fjárfesting í fjárfestingarsjóði telst almennt áhættumeiri en fjárfesting í verðbréfasjóði vegna rýmri fjárfestingaheimilda. Innlausnarvirði hlutdeildarskírteina sjóðsins er virði samantlagðra eigna að frádregnum skuldum sjóðsins, s.s. ógreiddri umsýslu, þóknunum og öðrum gjöldum. Nánari upplýsingar um sjóðinn, skattlagningu hlutdeildarskírteina og áhættuþætti við fjárfestingu í sjóðnum má sjá í útboðslýsingu sjóðsins og lykilupplýsingum sem finna má á vefsvæði Landsbréfa, landsbref.is.





STÓRHUGA Starfsmenn Fanaments ætla sér að ná langt í veðmálalabransanum.
MYND/FANAMENTS

Hjá hin íslenska Fanaments er fé lagt undir á draumalið notenda:

Opna veðmálasíðu fyrir íþróttaviðburði

Íslenska veðmálasíðan Fanaments var opnuð um mánaðamótin. Vefsíðan er bæði hönnuð af og í eigu íslenskra frumkvöðla en er skráð á Möltu þar sem fyrirtækið er með veðmálaleyfi.

Guðmundur Sveinsson, yfirmaður tæknimála hjá Fanaments, segir markmið fyrirtækisins að komast í fremstu röð í veðmálaheiminum.

Fyrirkomulagi Fanaments svipar til draumaliðsdeilda þar sem spilarar velja leikmenn sem gefa stig fyrir frammistöðu sína. Stigahæstu

spilarar í hverri umferð vinna þá upphæðir sem safnast hafa með veðmálum annarra spilara. Hægt er að veðja á golf, fótbolta, körfubolta og blandaðar bardagaíþróttir hjá Fanaments.

Guðmundur segir slíka veðmála-leiki hafa notið mikilla vinsælda í Bandaríkjunum. Enn séu sóknarfæri í Evrópu sem fyrirtækið hyggist nýta. „Við stefnum á að verða jafn stórir í Evrópu og þessir aðilar eru í Bandaríkjunum,“ segir hann.

- ih



NÝKOMINN FRÁ SPÁNI Önnundur Páll Ragnarsson útskrifaðist nýlega úr námi á Spáni með meistaraþráðu í þjóðhagfræðilegri stefnumótun og fjármálamörkuðum. Hann segir námið hafa verið góðan undirbúning fyrir nýja starfið.
FRÉTTABLAÐIÐ/GVA

Bíður spenntur eftir fyrstu kóræfingunni

Önnundur Páll Ragnarsson hefur verið ráðinn á fjármálastöðugleikasvið Seðlabankans. Þar mun hann taka þátt í að móta þjóðhagsvarúðarstefnu. Í frítímum syngur hann í karlakórnum Esju.

Önnundur Páll Ragnarsson var á dögum ráðinn á fjármálastöðugleikasvið Seðlabanka Íslands og hefur störf um miðjan ágúst. Hann mun ganga til liðs við teymi hjá bankanum sem vinnur að mótun þjóðhagsvarúðarstefnu.

„Þetta snýst í aðalatriðum um það að innleiða og framfylgja mælikvörðum, eða vísunum, sem segja til um það hvort kerfislæg áhætta sé að myndast í bankakerfinu og hvort kerfið geti staðið af sér högg eða skelli sem hagkerfið í heild kann að verða fyrir,“ segir Önnundur í samtali við Markaðinn. Þessir þjóðhagsvísar eigi þá að vera til þess fallnir að hægt sé að sjá kerfislæga áhættuþætti myndast tímanlega, svo að hægt sé að grípa inn í ef þurfa þykir. Þannig geti þessir vísar auðveldað og rökstutt ákvarðanir um inngríp eða reglusetningu sem yfirmenn bankans telja nauðsynlega.

Önnundur útskrifaðist nýlega úr námi á Spáni með M.S.-gráðu í þjóðhagfræðilegri stefnumótun og fjármálamörkuðum. „Barcelona GSE er bara fyrir meistaranám í hagfræði og er samstarfsverkefni tveggja góðra háskóla og tveggja rannsóknarstofnana á sviði hagfræði,“ útskýrir Önnundur. Hann sótti skólann rétt utan við Barcelona, en naut leiðsagnar kennara frá bæði Universitat Pompeu Fabra og Universitat Autònoma de Barcelona.

Önnundur segir að námið hafi verið góður undirbúningur fyrir það starf sem hann tekur nú að sér. „Af því að í þessu námi fékk ég góða innsýn í grundvallaratriðin í þjóðhagfræði og líkanasmíð og tímaradagreiningu, sem er mikið notuð í þjóðhagfræði. Svo fékk maður innsýn í peningamálahag-

fræði og mín lokaritgerð var á því sviði,“ segir Önnundur. Hann hafi líka fengið góða innsýn í regluverk fjármálamarkaða og nýjustu skrif hagfræðinga um þjóðhagsvarúðarstefnu.

Önnundur hafði áður starfað tímabundið hjá Seðlabanka Íslands áður en hann fór til Spánar í nám. Einnig hjá Hagfræðistofnun Háskóla Íslands og þar áður var hann blaðamaður hjá Morgunblaðinu. „Ég var blaðamaður 2007 til 2011, frá góðæri og fram í lungann af kreppunni. Og ég myndi bara segja að það hafi verið gríðarlega góður skóli. Maður hafi fullorðnast mikið og fræðst mikið,“ segir Önnundur. Reynslan úr blaðamennskunni muni alveg klárlega nýtast í nýja starfinu og öllum þeim störfum sem hann muni taka sér fyrir hendur.

Helstu áhugamál Önnundar eru veiði, bóklestur, þjóðfélagsmál og ekki síst kórsöngur. „Ég er meðlimur í karlkórnum Esju,“ útskýrir Önnundur. Esja er ungur kór en

“Petta snýst í aðalatriðum um það að innleiða og framfylgja mælikvörðum eða vísunum sem segja til um það hvort kerfislæg áhætta hafi myndast.

hróður hans eykst sífellt. „Mér skilst það. Ég var náttúrulega fjarverandi í vetur en mér skilst að hróður kórsins hafi aukist mjög. Og hann hafi verið uppbókaður stóran hluta vetrar. Ég hlakka mikið til að fara á fyrstu æfinguna í haust. Við æfum einu sinni á viku, á miðvikudögum eftir vinnu,“ segir Önnundur. Kórinn hefur aðstöðu í safnaðarheimili Háteigskirkju en Önnundur segir kórinn þó ekki vera kirkjukór.
jonhakon@frettabladid.is

VEL RITFÆR HÚMORISTI



Önnundur er greindur, duglegur og framtakssamur maður. Einnig er hann mikill húmoristi sem auðvelt er að umgangast. Hjá honum er ekkert sem heitir að fara hálf leið, það er allt eða ekkert. Á það jafnt við um áhugamál, nám og störf. Umfram allt er hann þó ákaflega traustur og góður vinur.

Magnús Davíð Norðdahl héraðsdómslögmaður



Önnundur er yfirvegaður og lætur lítið yfir sér en samt er grunnt á húmorinn hjá honum. Hann kom í hagfræðinámið – vel þurr á bak við eyrun – með reynslu úr námi í sagnfræði og blaðamennsku sem hefur gefið honum ákveðna djúpt sem hagfræðingur. Hann er mjög vel ritfær og á létt með að setja hlutina upp með skipulegum og skýrum hætti. Eftir fjármálakrísuna hefur vegur peningamagnskennninga vaxið mjög í heiminum – en fyrir 2008 var það almennt viðkvæði meðal hagfræðinga að peningamagn skipti ekki máli. Önnundur hefur lagt sérstaka áherslu á þessi fræði bæði í náminu hér heima og ytra og það verður virkilega spennandi að sjá til hans í starfi hjá Seðlabankanum.

Ásgeir Jónsson, dósent í hagfræði við HÍ



FJÁRMÁLAEFTIRLITIÐ
THE FINANCIAL SUPERVISORY AUTHORITY, ICELAND

NÝMÆLI Á VERÐBRÉFAMARKAÐI

MORGUNVERÐARFUNDUR FJÁRMÁLAEFTIRLITSINS

Fjármálaeftirlitið (FME) býður til opins morgunverðarfundar föstudaginn 21. ágúst í Gullteigi á Grand Hótel. Húsið verður opnað kl. 8.00 með léttum morgunverði. Dagskrá hefst kl. 8.15 og stendur til kl. 10.00.



1. Opnun fundarins – Sigurveig Guðmundsdóttir, framkvæmdastjóri vettvangs- og verðbréfaeftirlits Fjármálaeftirlitsins



2. Steven Maijor, stjórnarformaður Evrópska verðbréfa- og markaðseftirlitsins (ESMA), kynnrir helstu áherslur þess árið 2015



3. EMIR reglugerðin og áhrif hennar á Ísland – Andri Már Gunnarsson, sérfræðingur FME

4. Umræður og spurningar úr sal

Vinsamlegast skráið þátttöku á fme@fme.is fyrir dagslok 19. ágúst

STÖÐ 2 KYNNIR

Í SAMSTARFI VIÐ HLJÓÐX

HÁSKÓLABÍÓ LAUGARDAGINN 26. SEPTEMBER

BESTU LÖG BJÖRGVINS

BJÖRGVIN HALLDÓRSSON VERÐUR Á PERSÓNULEGUM NÓTUM OG FLYTUR MÖRG AF SÍNUM BESTU LÖGUM ÁSAMT FRÁBÆRRI HLJÓMSVEIT

MÍÐASALA HAFIN Á MÍÐI.IS OG Í SÍMA 540 9800



HLJÓÐX



midi.is



SAMBÍÓNÍ Aðsókn í kvikmyndahús hefur dregist saman frá árinu 2009.

FRÉTTABLAÐIÐ/GVA

Kvikmyndahúsin heyja varnarbaráttu

Aðsókn að kvikmyndahúsum hefur dregist saman um 16 prósent frá árinu 2009. Efnisveitum og ólöglegu niðurhali er helst kennt um.

Aðsókn að kvikmyndahúsum hefur verið á niðurleið síðustu ár. Það sem af er ári hefur gestum fækkað um 16 prósent miðað við sama tímabili árið 2009. Þó hefur smávægileg þriggja prósentu aukning verið í aðsókn í ár miðað við sama tímabili í fyrra.


„Almennt hefur aðsókn dregist saman,“ segir Hallgrímur Kristinsson, stjórnarformaður Félags réttihafa í sjónvarps og kvikmyndaiðnaði (FRÍSK).

Þá hefur gestum á hverja sýningu líka fækkað úr 85 að meðaltali árið 2009 í 57 á þessu ári. Hins vegar hafi tekjur kvikmyndahúsanna af miðasölu að mestu staði í stað en þær voru 1.485 milljónir króna árið 2014.

Konstantín Mikaelsson, yfirmaður kvikmyndaeildar Senu, segir aðsókn hafa dregist saman um tvö til þrjú prósent á ári frá 2009.

Tvær ástæður eru einkum fyrir minni aðsókn að kvikmyndahúsum að sögn Konstantíns: Ólöglegt niðurhal og auknar vinsældir efnisveitna sem ekki hafi sýningarétt á efni á Íslandi á borð við Netflix, Hulu og Amazon. „Þessi grái markaður borgar enga skatta hér. Svo er það náttúrulega ólöglega niðurhalið sem er okkar helsti óvinur,“ segir Konstantín.

AÐSÓKN OG TEKJUR KVIKMYNDAHÚSA FYRSTU SJÖ MÁNUÐI ÁRSINS



Hallgrímur segir ólöglegt niðurhal ekki einu skýringuna á samdrætti í kvikmyndaðsókn.

Framboð annarrar afþreyingar hafi aukist sem og að sjónvörp séu orðin betri. Engu að síður bitni það verulega á aðsókn að kvikmyndahúsum þegar hægt sé að ná í bíómyndir ólöglega á meðan þær eru enn í bíó. „Við sjáum það að þær

myndir sem eru að detta inn og eru að koma inn í góðum gæðum hafa áhrif á aðsókn,“ segir Hallgrímur.

Hallgrímur nefnir sem dæmi að myndinni Aulinn ég hafi verið halað niður ólöglega með íslensku tali um þrjátíu þúsund sinnum. „Það kostaði hátt í tíu milljónir að talsetja myndina þannig að það er erfitt að eiga við þetta,“ segir hann.

Hallgrímur vill að stjórnvöld grípi til frekari aðgerða gegn ólöglegu niðurhali en segir að talað hafi verið fyrir daufum eyrum.

ingvar@frettabladid.is

ALLS KONAR BRÁÐNAUÐSYNLEGT FYRIR MATVÆLABRANSANN!



Íslendingar hjálpist að í markaðssetningu

Hugmyndafræði Bókunar byggist á því að í litlum samfélögum hjálpist menn að við markaðssetningu. Starfsmaður fyrirtækisins kynnir hugmyndafræðina á Startup Færeyjar á laugardaginn.

„Það þarf heppni til þess að ná að byggja upp tengsl erlendis,“ segir Guðmundur R. Einarsson hjá Bókun. Hann mun halda fram-sögu fyrir hönd fyrirtækisins síns á ráðstefnunni Startup Færeyjar sem fram fer um helgina.

Bókun er fyrirtæki sem framleiðir hugbúnað sem gerir aðilum í ferðaþjónustu kleift að tengjast og vinna saman á einfaldan hátt. Til dæmis geta þeir selt vörur hver annars, haldið utan um útistandandi kröfur sín á milli, sameinað eigin vörur við vörur annarra og selt sem þriðju vöruna, allt í rauntíma. Fyrirtækið var valið startup ársins í Íslandshluta Nordic Startup Awards á dögnum. Guðmundur segir að Færeyingar líti til Íslendinga þegar kemur að atvinnusköpun.



Í REIÐTÚR Guðmundur segir mikilvægt að fyrirtæki selji vöru hvers annars. Í dag selur Hestaleigan Laxnesi fjórhjólaferðir. FRÉTTABLAÐIÐ/ANTON



„Ég er að fara að tala um hvernig er að vera Íslendingur að stofna fyrirtæki í minna umhverfi en þekkest erlendis, hvernig er hægt að

byggja upp og mynda sambönd,“ segir Guðmundur í samtali við Markaðinn.

Guðmundur segir að í litlum samfélögum verði menn að hjálpað að við markaðssetningu. Það nægi ekki að hver og einn horfi á sjálfan sig. „Þegar kúnninn kemur til Íslands geti hann keypt fleira heldur en bara það sem fæst á áfangastaðnum sem hann fer á,“

segir Guðmundur og bendir á að Hestaleigan Laxnesi sé til dæmis farin að selja fjórhjólaferðir.

„Við verðum að deila kúnnanum. Kúnninn er ekki bara að koma til Íslands til þess að fara í Bláa lónið. Hann kemur hingað og vill vera hérna í einhvern tíma,“ segir Guðmundur. Þess vegna sé Bókun mikil að horfa á samfélagið í heildina. jonhakon@frettabladid.is



HARÐLESTIN Austurlandahraðlestin rekur fjóra veitingastaði, þar á meðal við Hverfisgötu. FRÉTTABLAÐIÐ/GVA

Hagnaður Austur-Indíasamstæðunnar var 25 milljónir króna í fyrra:

Hálfs milljarðs sala á indverskum mat

Austur-Indíafélagið og Austurlandahraðlestin seldu veitingar fyrir hálfan milljarð króna á síðasta ári. Sala félaganna jókst um 125 milljónir króna milli ára. Rekstrarkostnaður jókst aftur á móti um 97 milljónir króna sem skýrist helst af auknum efnis- og launakostnaði.

Samanlagður hagnaður félaganna nam 24 milljónum króna árið 2014. Viðsnúningur varð á afkomu félaganna sem rekin voru með 6 milljóna króna tapi á síðasta ári.

Þá var söluhagnaður af eignum Austur-Indíafélagsins bókfærður upp á 16 milljónir króna.

Austurlandahraðlestin rekur fjóra veitingastaði á höfuðborgarsvæðinu og Austur-Indíafélagið einn. Guðmundur Karl Björnsson á allt hlutfé Austur-Indíafélagsins og 75 prósent í Austurlandahraðlestinni á móti Miroslav Manojlovic sem á 25 prósent hlut.

Eignir félaganna nema 258 milljónum króna, skuldir 194 milljónum króna og eigið fé 64 milljónum króna. -ih

PIZZA-KASSAR

PAPPÍRS-POKAR

PAPPAHÓLKAR & LITLAR ÖSKTJUR

BTÓRÖSKTJUR & SNAKKPOKAR

STJÓRNUN

LÍMBÖND Í ÖLLUM STÆRÐUM & GERÐUM

VIÐ HJÁ ODDA FRAMLEIÐUM UMBÚÐIR OG PRENTVERK SEM HENTA FYRIRTÆKTUM ÚT UM ALLAR TRASSUR. VIÐSKIPTAVINIR OKKAR ERU TIL DÆMIS VERSLANIR, VÉTTINGAHÚS, MATVELAIDNABUR, STAVARÚTVEGUR OG AÐRIS KONAR ÞJÓMSTUFYRIRTÆKI. →0085.15/515-5000

DODI

VIÐ ERUM ODDI. VIÐ FRAMLEIÐUM FÍNERÍ.

© RÁN FLYGPRIMO

Breytingar á landbúnaðarkerfinu eitt mikilvægasta viðfangsefnið:

Breytið þessu kerfi fyrir okkur öll

Skattgreiðendur borga 16-18 milljarða króna með íslenska landbúnaðarkerfinu á ári hverju. Kerfi sem allir tapa á og engri ríkisstjórn virðist takast að breyta vegna sterkrar stöðu sérhagsmunaafla sem standa vörð um það.

Bjarni Benediktsson, fjármála- og efnahagsráðherra, hefur boðað afnám allra tolla, að tollum á matvöru undanskildum, hinn 1. janúar 2017. Afar jákvætt skref en spyrja má, hvers vegna ekki að nota tækifærið og afnema líka tolla á matvæli?

Forsvarsmenn Bændasamtakanna telja að ef tollvernd á innflutt kjöt verði afnumin muni myndast „ruðningsáhrif“. Þau muni birtast í því að neytendur fari frekar í erlent kjöt en til dæmis íslenska lambið. Þeir hafa engar rannsóknir



Markaðshornið

Þorbjörn Þórðarson
thorbjorn@stod2.is

Íslendingar hafa alist upp á íslenska lambinu og hafa smekk fyrir því.

ar íslenska grænmetið en það erlenda en tollvernd á grænmetisinnflutningi var afnumin árið 2002. Allir græddu á því. Ekki bara neytendur, grænmetisbændur líka. Af hverju ættu að gilda einhver önnur lögmál um kjöt?

Minnimáttarkennd fulltrúa landbúnaðarkerfisins veldur mér heilabrotum. Í einu orðinu berja bændur sér á brjóst og státa (réttilega) af miklum gæðum íslenska kjötsins en í öðru orðinu berjast þeir áfram fyrir því að vera í hlýjum faðmi ríkisvaldsins, verndaðir með ofurtollum. Það eru hrópandi mótsagnir í þessum málfutningi.

Ríkisstjórn Samfylkingar og VG stóð vörð um kerfið og ef eitthvað er var tekin stefna í átt til aukins helgis. Núverandi stjórn stendur vörð um kerfið. Sjálfstæðisflokkurinn skilar auðu í málinu en í kafla um landbúnaðarmál í landsfundarálýktun frá síðasta landsfundi er ekki einu orði minnst á tollvernd eða afnám hennar. Það þarf því ekki að koma á óvart að ríkisstjórnarflokkarnir tveir taki stöðu með sérhagsmunum og gegn almenningi, neytendum, þegar landbúnaðarmál eru annars vegar.

Sigurður Ingi Jóhannsson, sjávarútvegs- og landbúnaðarráðherra, kynnti á Búnaðarþingi hugmyndir sínar um gerð eins langs rammásamnings við landbúnaðinn í stað þriggja búvörusamninga. Hugmyndin gengur út á breytingar á því fyrirkomulagi þar sem beingreiðslur (ríkisstyrkir) eru greiddar til bændna en ráðherrann vill ekki gera neinar röt-tækar breytingar á tollverndinni. Hún verður í reynd bara fest í sessi.


Það er virðingartvert að lifa á því sem landið gefur en hvernig líf er það að geta ekki verið án meðgjafar með-bræðra sinna? Að þurfa sífellt að taka við beinum og óbeinum greiðslum frá skattgreiðendum? Er það líf með reisu?

Innflytjendur í óvissu á ströndum Grikklands



MIKIL FJÖLGUN Flóttamönnum sem koma til Grikklands hefur fjölgað gríðarlega í ár. Þrátt fyrir þessa fjölgun hafa stjórnvöld ekki bolmagn til að veita þeim neinar viðtökur og fulltrúi Sameinuðu þjóðanna segir aðstæður þeirra skammarlegar. Þessi kona sat á strönd á eyjunni Kos í fyrradag eftir að hafa stigið þar á land.

Stefnubreyting við sameiningu stofnana



Alma Lísu
Jóhannsdóttir
sérfræðingur
hjá SFR

Á undanförunum árum hafa stjórnvöld stefnt að því að fækka opinberum stofnunum. Sérstaklega hefur verið einblínt á sameiningu smærri stofnana með það fyrir augum að auka hagkvæmni í ríkisrekstrinum.

Síðustu ríkisstjórnir hafa unnið að þessu. Stórar sameiningar áttu sér stað á kjörtímabili ríkisstjórnar Jóhönnu Sigurðardóttur. Aðferðafræðin við sameiningarnar var að starfsfólk stofnananna fékk að halda starfi sínu og hugað var þannig að velferð mannaútsins í umbótaferlinu enda lykillinn að því að vel takist til.

Í fyrsta fjárlagafrumvarpi núverandi ríkisstjórnar boðaði fjármálaráðherra stórfelldar breytingar á ríkisrekstrinum. Meðal þeirra var fækkun opinberra stofnana um 50 og haldið var þannig áfram á þeirri vegferð sem hófst rétt fyrir aldamótin 2000. Framtíðarsýnin sem birtist í rökunum fyrir ákvörðuninni var einnig skýr en í frumvarpinu var eitt höfuðmarkmiðanna að einfalda ríkiskerfið og minnka umfang þess með það að leiðarljósi að auka skilvirkni.

Þó svo að markmiðið sé það sama hefur margt breyst. Ef lítið er til þeirrar aðferðafræði sem notuð hefur verið við sameiningu stofnana á undanförunum árum má sjá að nú hefur átt sér stað stefnubreyting. Hún birtist með þeim hætti að stjórnvöld telja nú mikilvægt, jafnvel nauðsynlegt, að segja öllu starfsfólki upp við sameiningar stofnana. Nýlegar sameiningar sýna þetta með skýrum hætti. Nýjasta dæmið er frá síðasta starfsdegi Alþingis fyrir sumarfrí með stofnun Menntamálastofnunar.

SFR telur þessa leið ranga. Einfaldlega vegna þess að verkefnið sem eru færð til nýrrar stofnunar eru hin sömu og voru hjá fyrirrennrum hennar og því er aðeins um breytingar á byggingu stofnana að ræða en ekki um niðurlagningu starfa og verkefna svo um ræðir. Starfsmönnum eru ýmist böðin störf hjá nýrri stofnun við sömu verkefni og áður, eða þeim eru böðin ný verkefni. Það er verulegt áhyggjuefni að nú virðist vera að færast í aukana að settur sé fyrirvarsi í lögum en að lækka megi starfsfólk í starfsstigi.

Standi vilji stjórnvalda til þess að gera breytingar á störfum er til samræmis við meðalhófsreglu að flytja störfin en ekki leggja þau niður. SFR telur grundvallaratriði að gætt sé jafnræðis gagnvart opin-

berum starfsmönnum við sameiningu stofnana. Engin rök eru fyrir því að réttarstaða starfsfólks þeirra stofnana sem lagðar eru niður nú sé lakari en réttarstaða starfsmanna við sambærilegar sameiningar sem hafa átt sér stað.

Stjórnvöld hafa ekki markað sér opinbera stefnu um hvernig þau vilja standa að verkefnum eins og sameiningum stofnana. Því hafa þau ekki heldur tekið ákvörðun um hvernig þau vilja búa að mannaúðnum við slíkar aðstæður. Hingað til hefur það verið á forræði einstakra stofnana eða ráðuneytis. Þetta er algjörlega ótækt. Stjórnvöld verða að vita hvert þau ætla að fara og hvernig þau ætla að komast þangað.

Tryggja þarf að á bak við ákvörðun um sameiningu stofnana liggja fjárhagslegar, rekstrarlegar, stjórnsýslulegar, samfélagslegar, faglegar og hugsanlega pólitískar forsendur þannig að markmiðið með breytingunum sé á hreinu og leiðirnar að því séu skýrar. Undirbúningur er alltaf mikilvægur enda getur ávinningur af umbótum orðið lítill sem enginn ef ekki er staðið vel að málum frá upphafi. Stjórnsýslan á að starfa með faglegum hætti og gæta jafnræðis og meðalhófs enda er mikilvægt að gætt sé samræmis við ákvörðunartöku stjórnvalda.

Fögnum fjölbreytileikanum – Uppfærur námsefnið!

Hin hliðin

Rakel Sölvadóttir
stofnandi Skema og reKode.



Fordómar eru að mestu lærð hegðun og háð fjölskyldu, félögum og félagslegu umhverfi hvers og eins. Rannsóknir hafa sýnt fram á að börn byrja að móta fordóma milli þriggja og sex ára aldurs. Ung börn fylgja hegðun og atferli eftir því hvað umhverfið gefur af sér. Þau gera að sínu eigin það sem þau heyra og/eða sjá án þess í raun og veru að skilja af hverju. Þetta gera þau ósjálfrátt til að þóknast þeim sem veita þeim öryggi og umönnun, meðal annars foreldrum, umsjónaraðilum og kennurum.

Leik- og grunnskólar eru mikilvægur vettvangur í þessari fræðslu og

mótun hugsunarháttar og mats einstaklings á umhverfinu. Í leik- og grunnskólunum fer fram mikilvæg félagsmótun sem hefur mikið að segja um það hvort einstaklingarnir mótist við þröngsýni, fordóma og afmyndun raunveruleikans eða við raunverulegar staðreyndir. Kennarar þurfa hins vegar að vera vel í stakk búnir, hafa aðgengi að fjölbreyttu námsefni og vera búnir að fara í gegnum eigin fordóma.

Þegar ég var að stíga mín fyrstu skref „út úr skápnun“ fyrir 10 árum hafði ég áhyggjur af því að börnin mín tvö myndu ekki njóta sömu lífs-gæða og önnur börn sökum fordóma. Þau voru þá bæði á leikskóla og ein af þeim fáu sem áttu samkynhneigt foreldri. Ég spurðist fyrir um aðgengi barnanna á leikskólanum að fræðslu

og/eða námsgögnum sem vörðuðu fjölbreytileikann í þjóðfélaginu en þar var því miður ekkert að finna. Tíu árum síðar erum við því miður á svipuðum stað hvað námsefni varðar. Sorglegt en satt!

Þó framfarir hafi verið í viðhorfi á Íslandi gættir enn mikillar mismununar minnihlutahópa líkt og fram kom í könnun sem gerð var fyrir félags- og tryggingamálaráðuneyti Íslands árið 2012 um viðhorf til mismununar. Helstu niðurstöður voru þær að 57,7% (56,9% árið 2009) svarenda töldu að fólk væri mismunad eða það áreitt vegna kynþáttar eða þjóðernis, 46,9% (35,9% 2009) vegna fötlunar eða örorku og 40,3% (41,4% 2009) vegna samkynhneigðar eða tvíkynhneigðar. Við eigum sem sagt langt í land enn!

Sýnt hefur verið fram á að með

fræðslu og jákvæðum fyrirmyndum sé hægt að draga úr fordómum. Einnig hafa samskipti við einstaklinga úr minnihlutahópum dregið úr neikvæðri ímynd þess hóps. Þar sem það er mismunandi hversu mikil fjölbreytni er í barnahópum innan skólanna þarf að nýta sér aðrar leiðir til að ná til sem flestra þátta. Er ekki kominn tími á að uppfæra námsefni leik- og grunnskóla? Er ekki kominn tími á að sýna fjölbreyttara fjölskyldumynstur í námsefninu? Ætlum við að halda áfram að hafa bara stöðluðu hvítu fjölskylduna sýnilega – ljóshærð móðir, dökkhærður faðir, ljóshærð dóttir með sítt hár og sonurinn dökkhærður með stutt hár? Fögnum fjölbreytileikanum og brjótum niður þá múra sem settir hafa verið um námsefni á Íslandi.

HRAÐVIRK OG VINSÆL SKÓLATÖLVA

TOSHIBA



**INTEL i5
5. KYNSLÓÐ**

TOS-L50B2E4

VERÐ ÁÐUR
129.995.
20.000
SKÓLAASFSLÁTTUR

109.995

NÝR OG HRAÐARI INTEL i5

Þessi er vinsæl og fer hratt. Ótrúlegt verð fyrir glæsilega hannaða gyllta 15,6" fartölvu með nýjasta og hraðasta 5. kynslóðar i5 örgjörva frá Intel sem lengir rafhlöðuendinguna fyrir skólann. Intel HD Graphics 5500 skjákkjarninn skilar stórbættri grafískri vinnslu. Kemur með AC þráðlausu korti sem skilar mun sterkara þráðlausu neti og Scullcandy vottuðum hátölurum með DTS hljóm.

Ein bestu kaupin í skólaúrvalinu okkar í ár.



**INTEL i5
5. KYNSLÓÐ**



**4GB
VINNSLUMINNI**



**HD5500
GRAFÍKKJARNI**



**15,6"
SKJÁR**



tl.is

**TÖLVU
LISTINN**

REYKJAVÍK
SUÐURLANDSBRÁUT 26
Sími 414 1700

AKUREYRI
GLERÁRGÖTU 30
Sími 414 1730

HÚSAVÍK
GARÐARSBRÁUT 18A
Sími 464 1600

EGILSSTAÐIR
KAUPVANGI 6
Sími 414 1735

KEFLAVÍK
HAFNARGÖTU 90
Sími 414 1740

SELFOSS
AUSTURVEGI 34
Sími 414 1745

AKRANES
ÞJÓÐBRAUT 1
SÍMI 431 3333

6% AÐ MEÐALTALI

Mest aukning á Suður- og Vesturlandi

Hótelherbergjum á landsvísi hefur fjölgað um 28% á árabílinu 2010-2014 eða um rúmlega 6% á ári að meðaltali. Framboðið hefur aukist hlutfallslega mest á Suðurnesjum, Suðurlandi, Vestfjörðum og Vesturlandi, en einnig þó nokkuð á höfuðborgarsvæðinu. Lítil framboðsaukning hefur verið á Austurlandi og samdráttur á Norðurlandi. Á sama tíma fjölgaði erlendum ferðamönnum um 111% eða um meira en 20% á ári að meðaltali.

06.08.2015 Þegar stjórnvöld taka ákvörðun sem hér virðist hafa verið tekin er ástæða til að vanda þar til verka og hafa samráð við þá sem þessara hagsmuna hafa að gæta og að umræða um þetta allt saman sé uppi á borðum. Okkur þykir hafa skort á það.

Kolbeinn Árnason,
framkvæmdastjóri Samtaka
fyrirtækja í sjávarútvegi.



1,8 PRÓSENT

Capacent spáir minni verðbólgu

Fjármálaráðgjöf Capacent gerir ráð fyrir rúmlega 0,1% hækkun vísitölu neysluverðs í ágúst. Gangi þetta eftir mun verðbólgan á ársgrundvelli lækka úr 1,9% í 1,8%. Verðbólgan lúrir því enn vel undir verðbólgu markmiði Seðlabankans. Það sem helst hefur áhrif til lækkunar vísitölunnar er lækkandi olíuverð og lægri flugfargjöld. Áhrifa útsölu- loka gæti hins vegar og mjólkurverðshækkun hefur einnig áhrif til hækkunar á vísitölu.

STJÓRNAR- MAÐURINN

Bakkelsisfárið

Verslun Dunkin' Donuts var opnuð á dögnum á Laugavegi, en líklegt er að mót-tökurnar hafi farið fram úr björtustu vonum þeirra sem að standa.

LÖNG RÖÐ myndaðist strax kvöldið fyrir opnunina, og samkvæmt því sem fram kom í fjölmiðlum seldust um 16 þúsund kleinuhringir fyrsta daginn. Lítið virðist vera að draga úr hungri Reykvik- inga í kleinuhringi, en þegar þetta er ritað tæpri viku síðar horfir stjórnmáðurinn út á Laugaveg þar sem röðin snigl- ast í átt að Bankastræti.

MARGIR HAFNA þó orðið til þess að furða sig á vinsæld- unum og hafa sakað gesti staðarins um lágmenningu, lágkúru og fleira í þeim dúr. Þetta hefur verið sérstak- lega áberandi meðal fjöl- miðlamanna sem hafa látið sleggjudóma sem þessa falla í útvarpi, á samfélagsmiðlum og víðar.

EINHVERJIR hafa meira að segja gefið í skyn að því að kaupa varning frá Dunkin' Donuts sé fólk með einhverj- um hætti að sýna þjóð sinni óhollustu, eins og fólk eigi að renna blóðið til skyldunnar og gæða sér á dönskuskotnu bakarískruðerí í staðinn (sem er í flestum tilvikum innflutt frosið).

STJÓRNARMAÐURINN hefur alla tíð átt erfitt með að skilja menningarlega hreinræktar- stefnu á borð við þessa. Hvernig er Dunkin' Donuts t.d. frábrugðið rótgrónum kaffihúsum eins og Kaffi- tári eða Te og kaffi? Dunkin' Donuts er vitanlega rekið samkvæmt sérleyfi og ber erlent nafn, en í báðum til- vikum er um að ræða íslenska rekstraraðila, og í báðum til- vikum er verið að flytja nýja síði til landsins.

EDA ER kaffi og croissant allt í einu orðið íslenskra en kaffi og kleinuhringur? Vitan- lega ekki. Er það sömuleiðis orðin sérstök mannréttindi að fá að kaupa mjólkurkaffi á 600 krónur í miðbænum, og að geta ekki nálgast ódýrari kost nema með því að fara upp í bíl og aka á næstu bensínstöð?

MÖGULEGA mætti gagnrýna Dunkin' Donuts og fleiri staði á grundvelli lýðheilsusjónar- miða, en þá skal eitt yfir alla ganga – pitsur, hamborgara, kleinur, vinarbrauð og djöfla- tertur þurfa sömuleiðis að vikja.

ER SAMT ekki bara einfald- ast að fólk fái að bera sjálft ábyrgð á því hvað það lætur ofan í sig?




HEFST 27. ÁGÚST



HEFST 13. ÁGÚST



HEFST 9. ÁGÚST




25. ÁGÚST



HEFST 24. ÁGÚST



HEFST 17. ÁGÚST



HEFST 9. ÁGÚST




MARAPON


Taktu marabon af **Breaking Bad** eða **Mad Men**. Á Stöð 2 Marabon eru meira en 800 klst. af sjónvarpsefni, úrvalls seríum.



MÁNUDAGA



ALLA DAGA




ÞRIÐJUDAGA




SUNNUGAGA




MIDVIKUDAGA




SUNNUGAGA



MÁNUDAGA



ÞRIÐJUDAGA



SUNNUGAGA



HEFST 30. ÁGÚST



HEFST 26. ÁGÚST

Allt það besta hjá 365



ENDALAUST TAL OG 10 GB Á 3.990 KR.*

Færðu farsímann yfir til 365 og fáðu allt þetta frábæra sjónvarpsefni á fánlega góðu verði. Nýir íslenskir og erlendir þættir í bland við kvikmyndir í sérflokki. Tryggðu þér áskrift núna á 365.is eða í síma 1817.

SKEMMTIPAKKINN

Með Skemmtipakkanum fylgja sex sjónvarpsstöðvar, GSM, internet, heimasími, Stöð 2 Marabon og aðild að Vild.

©2015 Home Box Office, Inc. All rights reserved. HBO® and all related programs are the property of Home Box Office, Inc.



9.290 kr.
Aðeins 310 kr. á dag



*Gildir fyrir áskrifendur í tilboðspökkum 365. Nánari upplýsingar á 365.is.